

इवनिंग डोगरी न्यूज बुलेटिन

समे .18:15 Hrs

<><><><><><>

Headlines

1. मुख सचिव अटल डुल्लू होरें आखेआ जे प्रगति मंच जम्मू-कश्मीर च बुनियादी ढांचे दे विकास गी रफतार देआ'रदा ऐ।
2. उत्तर रेलवे दी जम्मू डिविजन दी स्थापना दा इक बरा पूरा होआ रदा ऐ ते एह बरा केंई उपलब्धियें भरोचा रेहा ऐ।
3. पीर की गली च ताजा बर्फबारी दे चलदे मुगल रोड गी गड्डियें दी आओजाई लेई बंद करी दिता गेआ ऐ।
4. शिक्षा मंत्री सकीना इतू होरें समाज कल्याण योजनाएं तैहत कुड़ियें ते महिलाएं गी साइकल ते सिलाई मशीनां बंडडियां।
5. जम्मू च सयालै आला सैलसफा इक नमीं पंछान हासल करा'रदा ऐ ते मुख्य भरै थमां खरी मती गिनतरी च लोक इत्थें बर्फू कन्नै ढकोई दी थाहरां दिक्खने आस्तै आवा'रदे न।

<><><><><><>

CS Pragati

मुख सचिव अटल डुल्लू होरें जम्मू-कश्मीर च बड्डी विकास परियोजनाएं गी रफतार देने च प्रगति प्लेटफार्म दे परिवर्तनकारी असर गी उजागर करदे होई अज्ज आखेआ जे एह मंच महत्वपूर्ण पैहलकदमियें गी समें सिर लागू करने ते लम्में चिर थमां पेश आवा'रदी दिक्कतें दा हल कड्डना यकीनी बनाने लेई इक प्रभावी उपकरण बनी गेदा ऐ। इक संवाददाता सम्मेलन दरान जानकारी सांझी करदे होई मुख सचिव होरें pragati@50 दे महत्व गी उजागर कीता। ध्यानजोग ऐ जे किश दिन पैहले गै प्रधानमंत्री नरेंद्र मोदी हुंदे आसेआ प्रगति मंच दी 50मीं बैठक सद्दी गेदी ही। अज्ज लोआए गेदे संवाददाता सम्मेलन दरान मुख सचिव होरें आखेआ जे तकनीकी आधारित इस शासन प्रणाली नै कई परियोजनाएं गी कामयाबी कन्नै परतियै शुरू करोआया ऐ जिंदा कम्म केई दाहकें थमां बक्ख-बक्ख मेहकमें दियें अइचने ते लम्मी प्रक्रियाएं कारण रूके दा ऐ। उधमपुर-श्रीनगर-बारामुला रेल लिंक परियोजना दा इक प्रमुख उदाहरण दिंदे होई उनें आखेआ जे इस परियोजना दी शुरूआत 1995 च होई ही पर तकरीबन 25एं बरें तगर इस परियोजनां च कोई खास प्रगति नेई होई सकी ही। उनें अगगे आखेआ

<><><><><><>

पिच्छले बरे 6 जनवरी गी जम्मू डिविजन गी भारत दे 70में रेलवे डिविजन दे तौर पर कायम कीता गया। एहदा लगभग इक बरा पूरा होने आहला ऐ। इस इक बरे च इन्नै केई ऐतिहासिक ते टकोहदियां उपलब्धियां हासल कीतियां न। एहदा उदघाटन प्रधानमंत्री नरेन्द्र मोदी होरें कीता हा। जम्मू रेलवे डिविजन नै ढाचे-राबते ते पूरे-पराते कारवाइयें आहले सरिस्ते सनें केई संगेमील हासल कीत न। इंदे च उधमपुर-श्रीनगर-बारामुला रेल लिंक दा चालू होना- चनाव ते अंजी पुल दा शुरु होना ते “वंदे भारत एक्सप्रेस” सेवा दा शुरु होना बी शामिल ऐ- जेदे कन्नै सैलसफा च बाददा होआ ऐ ते चीजे-बस्ते दी ढोआई बी सौखी होई ऐ। इस सरबंधे च हासल बड्डी उपलब्धिएं पर लौऽ पांदे होई रेलवे दे सीनियर रिजनल कमर्शियल मैनेजर उचित सिंघल होरें दस्सेआ

<><><><><><>

Mughal Road

प्रशासन नै ‘पीर की गली’ थाह ताजा बर्फबारी दे मददेनजर ऐतिहासिक मुगल रोड पर फौरी प्रभाऽ कन्नै हर चाल्ली दी मोटर गड्डिएं दी आओजाई पर रोक दा हुकम रसाल कीता ऐ। आकाशवाणी दे जम्मू संवाददाता दी रिपोर्ट मुजब माड़े मौसमी हालात ते केई थाहें पर बर्फ किट्ठी होने करी मुगल रोड गी फिलहाल गड्डिएं दी आओजाई लेई बंद करी दिता गेआ ऐ। एह शिडक जम्मू संभाग दे पुंछ ते राजौरी जिले गी कश्मीर घाटी दे शोपियां जिले कन्नै जोड़दी ऐ ते जम्मू ते कश्मीर गी आपू’चै जोड़ने आली महत्वपूर्ण वैकल्पिक राश्ट्री जरनैली शिडक ऐ। S.S.P ट्रैफिक होरें गलाया ऐ जे एह फैसला मौसम दे खराब सूरतेहाल ते मती उंचाई आले ‘पीर गी गली’ इलाके च बड़ी मती बर्फ किट्ठी होने दे मददेनजर लैता गेआ ऐ। गड्डिएं दी आओजाई पर बंदिश अगले हुकमै धोड़ी जारी रौहग।

<><><><><><>

Motorcycle Rally

भारती सेना नै रायल इन्फिल्ड्स दे सहयोग कन्नै उधमपुर च 10में साबका सैनिक दिवस दे मौके पर ध्रुव मोटरसाइकल रैली दा आयोजन कीता जेहड़ा साबका फौजियें दी हिम्मत, उंदा बलिदान ते निस्वार्थ सेवा गी चेता करने दा इक मौका दोआंदा ऐ। इस रैली गी उत्तरी कमान दे प्रमुख लेफ्टिनेंट जनरल प्रतीक शर्मा हूंदी मौजूदगी च ते मुख परौहने दे तौरा पर उत्थे मौजूद Honrary captain बाना सिंह ते सुर्गवासी नायब सुबेदार चुन्नी लाल हूंदी धर्मपत्नी चिंता देवी हूंदे आसेआ बड़े उत्साह कन्नै रवाना कीता। इस रैली च मुख भरै थमां आए दे 20 मोटरसाइकल चालक शामिल हे जेहड़े पीर पंजाल खिते दे बक्ख-बक्ख दूर-दरेडे ते चुनौतीपूर्ण इलाके च सफर करदे होई सेवा ते सद्भावना दा स्नेहा पजाइन। अपने बचार सांझे करदे होई मोटरसाइकल चालक मोहन वीर सिंह, गौरव ते नमन सोलंकी होरें आखेआ

<><><><><><>

ते हुन बाकि दिएं खबरें कन्नै विजय बजाज।

Ito Convention

जम्मू-कश्मीर टीचर्स जवाइंट एक्शन कमेटी दे प्रदेश प्रधान विनोद शर्मा ते अध्यक्ष सलीम सागर हुं दी अगुवाई च इक दिनै दा सम्मेलन लोआया गेआ जेहदे च मुख्ख तौरा पर जम्मू खिते दे ज्हरां बद्दे अध्यापकें हिस्सा लैता। मुख्ख परौहने दे तौरा पर शिक्षा मंत्री सकीना इतू होर बी कार्यक्रम च मौजूद हिआं। इस मौके पर स्कूली शिक्षा मेहकमे दे डरैक्टर डॉ. नसीम चौधरी ते जम्मू दे स्कूली शिक्षा विभाग दे जायंट डरैक्टर डरैक्टर डॉ. जगदीश चंद्र मेहरा बी उत्थे मौजूद हे। इतू होरें इस दरान महिलाएं ते कुड़ियें गी बाइसाइकल ते सिलाई मशीनां बी बंडुडियां। इस मौके पर बोलदे होई इतू होरें अध्यापकें गी यकीन दोआया जे उं दी लम्मैं चिरै थमां बकाया पेदियें मंगें गी तौले गै पूरा करी लैता जाहगा। उनें अगगे आखेआ

<><><><><><>

Winter Tourism

जम्मू च स्याले आहला सैलसफा इक नमीं पंछान हासल करारदा ऐ ते मुख्खे दे बक्ख-बक्ख हिस्सें थमां खरी मती गिनतरी च सैलानी बर्फबारी आली सैलानी थाहें बक्खी जा'रदे न। मिली कश्मीर दे नांs कन्नै जाने जाने आले भद्रवाह दी गुलडंडा थाह हाल च होई दी बर्फबारी दे बाद बड़ी बद्द गिनतरी च सैलानी उत्थे पुज्जे दे न। बर्फबारी करी नां छड़ा सैलानिएं दे चेहरे खिड़ी उठे दे न सगुआं मकामी सैलसफा ते कारोबार गी बी मता बढ़ावा हासल होआ' रदा ऐ। बड़े मते कुदरती छलैपे ते हासल होआ'रदी लोकप्रियता दे चलदे जम्मू दिआं स्यालु सैलसफे आहलयां थाहां देश-बदेश दे लोकें गी आकर्षित करारदियां न। इक सैलानी नै इस सरबंथै च अपनी खुशी जाह करदे होई आखेआ ऐ

<><><><><><>

Online Classes

जम्मू-कश्मीर च बड़ी मती ठंउ दे चलदे रामबन शिक्षा विभाग आसेआ आनलाइन क्लासें राएं पढ़ाई गी सक्रियता कन्नै अपनाया गेआ ऐ तां जे दूर दरेडे इलाकें च रवा'रदे विद्यार्थियें दी पढ़ाई च कोई विघ्न नई पवै। आनलाइन क्लासां शुरू करने दा इक मकसद एह बी ऐ जे दूर दरेडे इलाकें च शिक्षकें दी कमी गी दूर कीता जाई सकै ते शैहरें दे मकाबले च ग्राएं च संसाधनें दी कमी दे चलदे शिक्षा दे बित्थ गी पुरेआ जाई सकै। अध्यापकें गी निर्देश दिते गेदे न जे ओह नियमित तौरा पर क्लासां लोआन। इस बारें होर जानकारी दिंदे होई डाइट रामबन थमां अध्यापक शाहनवाज गनी होरें आखेआ

<><><><><><>

Weather

मौसम विभाग नै उत्तरी ते मध्य कश्मीर दिएं किश उच्चिएं धारें पर अज्ज ते कल बी हौली बर्फबारी होने दी भविक्खवाणी कीती ऐ। मौसम विभाग मुजब जम्मू दे पदरे इलाकें च घट्टोघट्ट तापमान च होर कमी औग ते धुंध पौने करी दिक्खी सकने च बी परेशानी पेश आग। औंदी 7 थमां 15 जरवरी धोड़ी गासै पर आंशिक तौर पर बद्दल छाए दे रेई सकदे न। इस बारै होर जानकारी सांझी करा'रदे न मौसम विभाग दे डरैक्टर मुख्तार अहमद

<><><><><><>